

«ՅԵՇԱՆԻՎ»

ՀԱՅԱՍՏԱՆԻ ՀԱՄԱՐ

Երեկ ՀՀ գիտությունների ազգային ակադեմիայում (ԳԱԱ) տեղի ունեցավ «Գիտական եւ տեխնոլոգիական ներուժ եւ արդյունավետություն. արդի համաշխարհային մոտեցումներ եւ փորձ» ձեռնարկի շնորհանդեսը: Այն «Եվրոպական ինտեգրման գրադարան» շարքի 9-րդ հատորն է: AEPLAC ընկերության թարգմանությամբ՝ այստեղ ներկայացված են ՏՆտեսական համագործակցության եւ զարգացման կազմակերպության (ՏՀԶԿ) մշակած գիտական տարբեր ձեռնարկներից քաղվածքներ: Մասնագետները կարծում են, որ այսօրիսի ձեռնարկների գոյությունը գիտնականին հնարավորություն է տալիս մի տաի կտրվել իր գիտական հետազոտությունների դաշտից՝ տեղեկանալով այն զարգացումներից, որոնք տեղի են ունենում մեր շուրջը: «Լավ կլիներ, որ ավելի շուտ անդրադառնայինք գիտական բարեփոխումներին», - նկատեց ՀՀ ԿԳ փոխնախարար Արա Ավետիսյանը: Իսկ AEPLAC-ի հայաստանյան գրասենյակի տնօրեն Տիգրան Զրբաշյանն իր զարմանքն այս կերպ հայտնեց. «Ինչո՞ւ է մատահել, որ մի երկրում, որտեղ դեռ 1990-ականներից իրականացվում են գիտական բարեփոխումներ, չեն փորձել հետաքրքրվել, թե աշխարհն ինչո՞ւ է սահմանում «գիտություն» ասվածը: Իհարկե, մենք խելոք ազգ ենք, սակայն հեծանիվ մենք չէ հայտնաբերել՝ այն արդեն հայտնաբերված է: Մնում է վերցնել ու հարմարեցնել մեր երկրին»:

ՏԱԹԵՎ ՀԱՐՈՒԹՅՈՒՆՅԱՆ